

Q. D. B. V.

DISSERTATIO MEDICA

DE

BALSAMO  
PERUVIANO  
NIGRO,

Q<sup>V</sup>AM

GRATIOSISSIMÆ FACULTATIS MEDICÆ  
CONSENSU

PRO LOCO

SUO TEMPORE IN EADEM OBTINENDO  
ERUDITORUM PUBLICO EXAMINI

IPSIS CALENDIS APRILIS

ANNO M DCC VII.

EXHIBET

P R Æ S E S

JOH. CHRISTIANUS Sehmann /

PHIL. & MED. D. HUIUSQUE PROFESS. PUBL.  
EXTRAORDINARIUS.

RESPONDENTE

SIGISMUNDO SCHMIDERO,

PHIL. BACCALAU. ET MED. STUD.

---

L I P S I Æ,

Literis IMMANUELIS TITIL

4X15



EMINENTISSIMI PROTO-SYNEDRII  
PER DITIONES SAXONICI ELECTORATUS  
*P E R - I L L U S T R I*

**D O M I N O**  
**P R Æ S I D I**  
**CÆTERISq; CONSILIARIIS**  
**GRAVISSIMIS,**

**V I R I S**  
*SUMME REVERENDIS, PRÆ-*  
*NOBILISSIMIS, MAGNIFICIS,*  
*CONSULTISSIMIS, AMPLIS-*  
*SIMIS,*

**MOECENATIBUS, PATRONIS**  
**ATQVE PROMOTORIBVS MEIS SUB-**  
**MISSA VENERATIONE ÆTERNUM**  
**COLENDIS**

**HANC DISSERTATIONEM**  
**VICE TESSERÆ DEVOTI ANIMI EX DEBITO**  
**CONSECRAT**

**P R Æ S E S.**





I. N. J.

# PROOEMIUM.



*Oecundis terris nostris etiamsi baudqua-*  
*quam desint simplicia, quæ virtute cum*  
*exoticis, imprimis ex India occidentali*  
*ad nos transmitti solitis, certantia ad u-*  
*tilissimam considerationem invitare nos*  
*potuissent: Benigniorem tamen nobis ab*  
*unoquoque censuram pollicemur, si Balsa-*

*um Peruvianum nigrum, ob efficaciam, fragrantiam, quin ob*  
*copiam quoque in Europæorum nostrorum simplicium numerum*  
*velut adoptatum, curatius paulo lustrare aggrediamur. Balsami*  
*memorati præstantiam tot Medici præstantissimi ante jam agnove-*  
*runt, utpote qui in scriptis suis, tantis idem elogiis exornant, ut*  
*majora vix coaceruari possent. Certe F. Ranchinus (a) Balsa-*  
*um Peruvianum liquorem odoratissimum, Heurnius (b) viri-*  
*bus excellentem appellant: Idem Syriaco Balsamo simillimum A.*  
*Sala (c) odore viribusque ipso eo haud inferius Hernandez (d) ima*  
*superius Smetius (e) pronunciant. In Opobalsami ipsius vicem Th.*  
*Bartholinus (f) & Schroeckius (g) nostrum surrogare balsamum*

A 2

baud

(a) *de Morb. Senum P. II. S. I. p. 517.* (b) *de Febb. c. 19. p. 95.* (c) *O-*  
*per. Chym. S. VI. c. 9. p. 43.* (d) *Histor. Plant. Animal. Miner.*  
*Mexican. l. 3. c. XI. p. 51.* (e) *Mist. Med. l. VI. c. 18. p. 500.* (f) *Act.*  
*Haffn. Vol. I. obs. 1.* (g) *M. A. N. C. D. l. A. 3. obs. 77. p. 110.*



haud verentur, quod Ecclesia quoque Romano-Catholica in India praeteris dignum perhibente Acoſta juxta Dapperum (b) judicavit, quod initiationis balsamum den Weyh-Balsam constitueret. Quamvis vero Balsami Peruviani ex India primum in Hispaniam apportati ob dotes insignes vel unica uncia modo decem, modo viginti, Romaeque centum ducatis (i) venderetur; in majori tamen copia postmodum allati pretium, communi fere exoticorum fato, ita coepit imminui, ut hoc tempore in nostris etiam regionibus integram ejus libram sex septemve thaleris obtinere liceat. Quo vero de metodo constet, quam observare in balsami intimati evolutione proposuimus, ita incedere annitemur: In primo capite cum natales Balsami Peruviani, tum naturam scrutabimur; in altero vero usum ipsius sive internum, sive externum demonstrare satagemus. Faxit Archiatriorum supremus feliciter!

## CAPUT I.

### In Balsami Peruviani natales naturamq; inquirens.

#### §. I.



Utm verba cortex sint, quo rerum nucleus involvitur, vocis balsami consideratio haud ita penitus negligenda. Paracelso (k) quidem assentiri minus licet, qui ad egregiam balsami vim traumaticam attendens etymologiam ejus Germanis acceptam fert, atque Balsam quasi bald zusammen dici opinatur. Majorem fidem Becmannus (l) & Geierus (m) merentur, istius vocabuli originem ex hebraica lingua deducentes, qua שמן בַּאֵל Baal Schemen, Princeps sive Dominus olei seu pinguedinis

(b) de America l. 3. c. 16. p. 302. (i) Histor. gener. Plantar. T. II. l. 18. c. 13. p. 1774. (k) Archidoxor. l. 9. p. 95. (l) de Origine LL. p. 279. (m) de l'Étu Hebraeor. p. 287.



audit, præcipuumque oleum significat. Utut non ita prorsus de nihilo sit, quando *Prosper Alpinus* (n) opinatur: antiquos Arabiæ Medicos *Baleffan* vocasse, quod Græci *βάλσαμον* Latini *Balsamum* exprimunt. Nimirum arbusculæ, quæ in Iudæa, Ægypto ac Arabia felici præstantissimum succum resinofum, Opobalsami nomine venientem, stillabant, καὶ ἐξοχὴν quondam Balsami titulo efferebantur, licet usus postmodum obtinuerit, ut non tam arbores, quam diversa concreta oleosa, suavissime fragrantia, tum naturalia tum artificialia, appellata fuerint balsama.

§. II. Ad priorem, naturalium nempe censum, Balsamum omnino pertinet, de quo in præsentī agere suscepimus quodve à Peruvia, vel si mavis ab America meridionali, quæ teste *Cluvero* (o) Peruviana quibusdam à provincia *Peru* omnium præstantissima dicitur, fuit cognominatum. Dubium enim est, an in solo regno Peruviano excellens iste liquor colligatur, cum non liquido satis constet, in quam speciatim Peruviæ parte Balsami arbores proveniant, contra vero, uti mox ostendetur, aliorum quoque locorum, extra provinciam istam sitorum Balsami feracium apud autores fiat mentio. Pleræque Balsami appellationes ad patriam generaliore respiciunt, dum *Indicum*, scilicet occidentale, à *I. Fragoso*, (p) in *Histor. generali Plant.* (q) à *Fr. Hernandez* (r) & à *Jonstono* (s) sed ab *H. Smetio* (t) *Americanum* appellatur. Quando à *Pisone* (u) vero & *Marggravio* (x) titulo *Cabureiba*, *Cabureisca* & *Cabui Iba* insignitur, ratio arboris magis habetur; quemadmodum colorem simul spectant, quibus ipsum cum *Actuario* (y) atque *P. Pomet* (z) *Indicum nigrum*, vel *Peruvianum nigrum* placet nominare. Cum quibus & ego nunc po-

(n) in *Dialogo de Balsamo. Cap. III. p. 9.* (o) *Introduct. in Geograph. l. 6. c. 14.* (p) *Aromat. hist. c. II. p. 94.* (q) *l. c.* (r) *Histor. Plant. Animal. ac Mineral. Mexic. l. 3. c. ii. p. 51.* (s) *Dendrograph. l. 6. c. 4. p. 307.* (t) *Miscell. Med. l. 9. c. 18 p. 500.* (u) *Histor. Natur. & Med. Ind. l. 4. c. 5.* (x) *Histor. Rer. Natural. l. 3. c. 14.* (y) *Method. Medend. l. 6. c. 5. p. 541.* (z) *Histoire generale des Drogues l. 7. vel verius 8. c. 47. p. 277.*



tissimum facio, qui non de quovis Balsamo Peruviano, quod quadruplex, nempe album, rubrum, viride ac nigrum *O Dapperus* (a) constituit, atque triplicis speciei etiamnum Lutetiæ vendi, album, siccum & nigrum laudatus *Pomet* annotat; sed de nigro isto, quod in officinis *den schwarzen Balsam* nuncupant, decrevi agere.

§. III. Tale nūm inventum fuerit à Codro Medico Italo, qui novarum rerum quærendarum usque adeo avidus fuit, ut prædives quidem, senex nihilominus, in australi novi orbis parte, juxta Pumidæ portum, insulasque Zorobari obierit, prout *Cardanus* fando accepit, retulitque, (b) in medio relinquo. In natales potius ejus inquirenti, quo in loco illud proveniat, ex qua arbore obtineatur, & quomodo colligatur, insignis admodum autorum discrepantia occurrit. Patriam nempe primam balsami nostri, alii in America potius septentrionali, alii in memorata meridionali, alii denique vel in Asiaticis Insulis indagant. Qui originem ejus à septentrionali America petunt, nunc Hispaniam novam, & quidem vel in genere cum *Monarde* (c) & *Clusio*, vel in specie aut Pannuciam cum *Ximene* (d) & *Hernandez*, aut Guatimalam & Chiapam cum *Autore nova partis historie Americane sumptibus hæredum Theodori de Bry Francofurti latine editæ* (e), de *Laet* (f) atque *Dappero*: nunc Hispaniolam, sive in genere cum *Baubino* (g) sive in specie Dominicopolin cum *Fumee* (h) nominant. Ast qui ab America potius meridionali sive Peruviana balsamum nostrum suppeditari asserunt, modo generalius ad Brasiliam cum *Barleo*, (i) modo specialius ad Pornumbucensem, potissimumque ad Divi Vincentii & Spiritus sancti districtus circa fluvium Jeneiro cum *Pisone* provocant. In Insulis demum nec Philippinis, ad Asiaticas pertinentibus, balsamum Peruvianum deesse

(a) de America l. 2. c. 16. (b) de subtilitate l. 8. p. 204. (c) de Simplicib. medicament. novi orbis L. I. c. 10. (d) quam citat sequiturq; de Laet. Descript. Ind. occident. l. 5. c. 2. (e) l. 4. c. 24. (f) l. 7. c. 9. (g) Histor. Plantar. Tom. I. c. 32. p. 294. (h) in Histor. general. Ind. (i) de rebus in Brasilia gestis p. 226.



esse *Georg. Joseph. Camellus* in syllabo herbarum & stirpium in Insula Luzone, Philippinarum primaria, à se observatarum, transmissio ad *Job. Rajum* atque ab hoc *historia Plantarum Tomo tertio vice Appendicis*, (k) subjuncto, abunde testatur.

§. IV. Arbor ipsa, balsamum Peruanum nigrum fundens, cum nomine tum facie diversis, à diversis solet representari. A *Cardano, Eubonymo*. (l) & *Dappero GOACOMAX* illa salutatur, atque Punicæ forma & magnitudine similis; folio tamen aliquantum majori, delineatur. *Fragosus* & *Monardes* arborem ejusmodi, ab Indis *XTLO*, à Gomora *ZILLO* vocatam, cum Malo quidem Punica, paulo majori, comparant, cujus vero folia urticæ similia, ferrata & tenuia essent. *Piso* è diverso arborem talem infructiferam, Brasilianis *Cabureiba* dictam, folio exiguo Myrti, cortice cinereo digitum crasso, tenuique membrana miniati coloris exterius cooperto indigitat. A quibus tamen *Ximenes*, *Hernandez*, *Nierembergius*, (qui *Hernandem* fideliter hic exscripsit) (m) *Jonstonus*, *Bauhinus*, *Ol. Wormius* (n) *de Laet* (o) *Hoffmannus* (p) & *Rajus* (q) secessum facientes arborem nostri balsami, quam *Panucini Cheiçte* ac *Mexicenses Hoitziloxitl* sive *Hutzochitl* i. e. resinâ affluentem, vocant, magnitudine describunt Mali Medicæ, foliis Amygdali, majoribus tamen, obrotundioribus & magis acuminatis, floribus in extremis ramorum flagellis luteis, initio oculorum oblongorum forma, sed procedente tempore quorundam veluti foliorum cæteris longiorum & latiorum, in quorum extremitatis cavitate semina inclusa contineantur, candidantia, & in quendam pallorem inclinantia, oblonga & paulisper contorta, seminibus Mali Medicæ similia, aut verius his, quæ Haytini vocent *Manies* & saccharo incrustare soleant. Cum quibus recentissime quoque *Camellus* conspirat, quod arbor,

(k) p. 69. (l) *Thesaur. tit. Balsam. p. 330.* (m) *Histor. Natur. l. 15. c. 97.* (n) *Musæi cap. 34. p. 225.* (o) *Descript. Ind. occident. l. 5. c. 2.* (p) *Clav. Pharmacop. Schræd. l. 4. sect. 2. c. 2. n. 385. p. 378.* (q) *Histor. Plantar. l. 31. c. 23. p. 1758.*



bor, Champetzanis nomine *NAVAA* veniens, magnitudine sit Mali Medicæ, foliis Amygdali majoribus, latioribus & magis acuminatis, floribus luteis ac semine simili nucleo *Mani*.

§. V. Cæterum neque ab omnibus balsamum Peruvianum ex arbore eliciendi atque colligendi commemoratur ratio eadem, aliis corticis solum incisionem, aliis ramorum solum coctionem, aliis denique utramque rationem attendentibus. *Piso* revirescente arbore circa Februarium & Martium Luna plena; ex læso cortice pendulis vasculis fragrantissimum balsamum istud excipi, hocque pariter ex inciso cortice stillans colligi *Camellus* (r) affirmant. Verum sicuti à fructibus & surculis aqua diu incoctis, id olei genus reddi, quod balsamum nominamus, *Cardanus* & *Euvonymus* tradunt; ita balsamum nostrum subnigrum per solam coctionem corticis, ramorum & foliorum ipsius arboris confici, i. e. à partibus istis, post sufficientem in aqua coctionem & ab igne remotionem, pinguedinem talem coloris ex fusco nigri supernatantem colligi *Pomet* edocet. Uterque tamen modus balsamum obtinendi à *Ximene*, *Hernande*, *Wormio*, aliisque ea cum differentia conjungitur, ut nobilior balsamum coloris ex fulvo in nigrum inclinantis, ex cortice aut stipite, quovis anni tempore inciso, sed præcipue exactis jam atque desinentibus imbribus perhibeatur stillare, ignobilior autem per gemmarum, truncorum ramorumque minutissime concisorum in aqua coctionem multum acquiri, si oleum tunc supernatans conchyliis, interdum cochleari magno secundum *Fragosum*, sedulo colligatur atque in vasculis argenteis, vitreis, stanneis aut fictilibus vitreatis asservetur. (s) Oleum quippe quod ex semine arboris nostræ balsamiferæ exprimi quoque seu per expressionem parari solet, cujus de *Laet* cum *Ximene* & *Nierembergius* cum *Hernande* meminerunt, tanto sicciori pede hic transire convenit, quanto magis à balsamo ipso consistentia fluidiore discrepat.

§. VI. Aft



§. VI. Ast qualiscunque etiam autorum circa Indici Balsami nigri patriam, arborem, modumque eliciendi videatur esse hactenus enarrata diversitas, fortassis ausu haud infelici conciliatio eorum hinc inde tentari poterit. Credere namque primum non adeo absolum videtur, in omnibus memoratis tam Americæ sive meridionalis, sive septentrionalis, quam Insularum Philippinarum locis aliquem Balsami Peruviani haberi proventum, priorem tamen priusque cognitum in Regione Peruana seu America meridionali, quod arborem ejus vel exinde ad Hoaxtepecenses hortos, adeoque in novam Hispaniam, à Regibus Mexicanis, deliciarum & magnificentiæ gratia translata, *Hernandez* expressis innuit verbis. Deinde, quod arbor, nostrum exstillans balsamum, variis efferatur nominibus, ab incolarum omnino varietate dependet; prout facies unius ejusdemque arboris diversa repræsentari debet, si alter hæc, alter illa folia notiora supponat, itemque unus tali in passu imperfectiori analogia acquiescat, cum alius convenientiam magis exquisitam respiciat. Sic quia Mali Punicæ & Mali Medicæ magnitudo tantum non eadem est, parum refert, utri harum magnitudo arboris balsamiferæ comparetur, modo talis sic satis innotescat. Pariter cum foliis Myrti & Mali Punicæ tanta similitudo intercedat, ut à Botanophilis & Mali Punicæ folia cum foliis Myrti vulgaris, & viceversa folia Myrti vulgaris cum Mali Punicæ foliis conferri vel ex *Rajo* (t) patefcat, res eodem recidit, sive arboris balsami folia Mali Punicæ, sive Myrti foliis assimilentur. Tanquam accuratiores tamen laudandi, qui serratam foliorum peripheriam insuper observantes, convenientiam ipsorum cum foliis urticæ addiderunt, quibus vel ideo laus sua relinquenda, quod non solum foliorum congruentiam, sed & discongruentiam cum foliis Amygdali descripserint, simulque florum ac seminum rationem habuerint.

§. VII. Tametsi autem aspectu primo haud improba-

B

bile



bile videatur, nostrum balsamum coctionis non minus ac incisionis adminiculo extorqueri posse, fateor nihilominus libere, rem omnem exactius trutinanti unum alterumque dubium enatum fuisse, quo minus iis assentiri queam, quibus coctio, vel solitaria, vel simultanea cum incisione pro balsami elaboratione arridet. Etenim 1) si balsamum, de quo agimus, per multam quarumcunque partium arboris in aqua coctionem adeo prompte valeret parari, cur non incolæ quoque Insulæ Luzonis tali modo balsamum eliciendi uterentur, cum recentissimus tamen *Camellus* non nisi incisionis apud illos usitata mentionem injecerit. Accedit (2 quod arbores mere resinosa coctioni in aqua nequaquam ita cedant, ut tali via contentum fluidum resinosum ad aquam deponerent. Operam certe oleumque is perderet, qui Laricem aqua coquens Terebinthinam conficere aggrederetur; cur itaque nobis persuaderi patiamur, Balsamum Peruvianum coctionis ejusmodi auxilio posse obtineri. Deinceps (3 quodcunque Balsamum Peruvianum ad nos delatum, eo fragrantius habetur, quo est ponderosius, ut per coctionem illud paratum fuisse ne minima quidem oriri queat suspicio. Fiat periculum, & cum aqua sufficiente aliqua balsami portio incoquatur, videaturque, num hæc omnis elevari cochlearique tolli valeat, atque id quidem sine notabili odoris jactura, certissimus sum, non nisi paucas olei guttas superficiem aquæ esse petituras magno cum decremento fragrantia.

§. VIII. Incisioni vero, quam solam amplecti placet, parum obstat, quod liquor è cortice vulnerato promanans, à *Monarde* tenuis & subalbidus perhibeatur, ille etiam, qui sub titulo balsami de Peru incisionis, juxta *Pometum* Parisiis adhuc venditur, tali facie appareat: ultro namque largior, balsamum nostrum omnium primo coloris subalbi effluere posse; eum tamen adeo constantem esse, ut calore solis non in alium colorem, instar succi lactei ex vulneratis capitibus papaveris albi emanantis pro opio constituendo valeat immutari, eo magis nego,



nego, quo certiore*m* *Ximeni* & *Hernandi* fidem adhibeo, stil-  
lantis balsami colorem ex fulvo ad nigrum vergentem asseve-  
rantibus. Num autem ea Balsami Peruviani species, quæ Pa-  
risiis in Myropolarum officinis Balsamum incisionis audit, ab  
eadem revera arbore cum nostro nigro in America proveniat,  
*Pomet* ipse totum me titubantem reddit, dum tale balsamum  
incisionis Terebinthinam ejusmodi exacte referre affirmat, qua-  
lis ex Larice, pino & abiete calore æstuante sine incisione trans-  
sudat, atque à Gallis Lugdunensibus *Bijou* appellatur, sæpeque  
loco ipsius balsami incisionis distrahitur. (u) Certe odoris in-  
tuitu terebinthinam quamcunque à vero balsamo Peruviano  
multum differe, neminem fugit. Quin imo nullam video cer-  
titudinem, cur altera etiam, quæ à *Pometo* balsami Peruviani  
constituitur species, & balsamum siccum, in putaminibus as-  
servari solitum, nuncupatur, pro eadem cum nigro sobole de-  
beat haberi. Qua occasione & error *Johannis Beverovicii* (x)  
& *Ammani* (y) annotandus, quod ratione originis nullam dif-  
ferentiam inter balsamum Peruvianum, atque Tolutanum vi-  
deantur admittere, cum tamen tot autores reclament asseve-  
rantes, quod balsamum Tolutanum ex continenti quadam pro-  
vincia Americana inter Carthaginem & nomen Dei sita, spe-  
ciatim ab urbe Jacobi sive Tolu, attestante de *Laet* (z) trans-  
portetur, & ab arboribus, pumilis Pinis similibus & folia Ce-  
catix similia, semper virentia, obtinentibus, colligatur.

§. IX. Istis de natalibus Balsami Peruviani hactenus deli-  
batis, nunc porro naturam ejus investigare allaborabimus, atten-  
dendo partim ad qualitates ejusdem sensibus obvias, partim ad  
analysin Balsami chymicam. Quod itaque Balsami Peruviani  
habitudines ad sensus nostros concernit, tot earum occurrunt,  
quot impressiones in sensoriis nostris ab eo possunt fieri. Quan-  
tum ad visum, balsamum nostrum in vase vitreo lustratum circa  
latera pariter atque in superficie superiori & inferiori totum o-

(u) *lib. alleg. c. 55.* (x) *Chirurg. l. 1. c. 14.* (y) *Manuduct. ad Mater.*  
*Med. p. 127.* (z) *Descript. Ind. occid. l. 8. c. 16.*



pacum obscurumque, i. e. color ejus niger deprehenditur, à quo etiam nigrum cognominatur, quanquam talis neutiquam nigredo, qualis in carbonibus vel pigmentis quibuscunque nigris cernitur, debet intelligi. Quod si vero versus solares radios, vel ad vasis extremitates, vel in guttula ex stylo suspensa, idem inspicatur, transparere plus minus ac splendide cum aliquali opacitate rubere notatur; quemadmodum, si chartæ albæ aut leviter, aut levissime Balsamum Peruvianum fuit illitum, vel subfuscum, vel subflavum magis apparet. Unde quando color nostri Balsami, quem ex rubro ad nigrum tendere *Monardes* advertit, à *Cardano* jujubarum colori assimilatur, non tam ad jujubas recentes, mineo potius colore splendentes quam vetustas, obscurius rubentes respectus habetur. Odoris suavitate adeo admirabili Balsamū Peruvianū *Cardano* laudatur, ut nihil supra. Equidē quod suavis ille sit, siquidē ad Benzoini ac Styracis, imo ipsius liquidambræ fragrantiam referatur, magis intrepide affirmarem, nisi tritum: de gustus & odoratus præstantia non nimis disputandum esse, aurem vellicaret. Saltem exhalationes ejus, organum olfactus tam mirifice afficiunt, ut delicatuli amatores ipsius tantum non exanimis inde reddantur. Nihilominus Balsamum in nimia quantitate propiusq; nimis naribus admotum, quod membranas harum impetuosius feriat, atrocissimos subinde capitis dolores ac vertigines post se relinquit, ut suavis odor in foetorem velut commutatus videatur, communi cum aliis concretis fragrantissimis, v. g. Zibetho, Moscho, Oleo Ligni Rhodii &c. sorte. Lingvæ contra Balsamum nigrum minus observatur acceptum, quia cum intenso ejus amarore aliquid nauseosi percipitur combinatum, ratione cujus in substantia illud deglutitum nauseam summam ad vomitum usque promovere valet. Tactu demum si Balsamum examinetur, modo consistentia ejus liquida, sed inter tenue & nimis crassum media, qua cum aliquali renisu cedit; modo unctuositas ac tenacitas manifesta, qua digitis aliisque rebus arctius adhærescit; modo insignis ponderositas, qua alios liquores resinosos, v. g. Terebinthinam, Styracem liquidam &c. superat, innotescunt.



§. X. Ulterius vero si ad interiora Balsami Peruviani prælucente Analyfi Spagyrica contendere nitimur, cum menstrua, tum ignem oportet in subsidium vocare. Menstruorum alia aquea, salina alia, alia sulphurea, alia denique mixta haberi ex Chymia satis constat. Menstruo aqueo Balsamum nostrum minime incassum examinaretur, si de substantia aliqua salina vel gummosa participaret, utpote quibus dissolvendis illud quam maxime convenit. Observaturus proin, an & quales alterationes nostrum Balsamum ab & in aqua simplici fluviali sit perpeffurum, primo unam & alteram ejus guttulam, majorem & minorem tam in aquam frigidam, quam in calidam ad altitudinem duorum circiter pollicum instillavi, omnemque mox ad fundum ruere, figura plus minus globosa servata, vidi. Hinc alias guttulas propius magis superficiei utriusque aquæ lente ad-movi, nunc guttulas etiam priores præcipitatas cum stylo eo effectû elevavi, ut tales guttulæ utrique quidem aquæ innatarent, sed in aqua frigida planiores utrinque redditæ, in calida vero inferius multum convexæ, apparerent. Utroque tum vitro concusso, guttulæ in aqua calida ad fundum regrediebantur, in superficie aquæ ramentis nonnullis albicantibus relictis; in frigida autem superficie persistebant, in unam majorem planamque collectæ. Hujus autem figura circularis vehementi oris afflatu non solum turbabatur, sed & nubecula excitabatur, tum portionem guttulæ, tum notabilem peripheriam circumcirca occupans. Post temporis tamen aliquam moram nubeculam talem evanuisse, at contra figuram circularem rediisse cernebatur, quæ etiam permanebat, quoties lenior flatus ore immitteretur, licet evanida nubecula repetens, notabilem aquæ partem circa guttam, instar cuticulæ albicantis integre tamen vix removendæ, tegeret. Idcirco quoniam ex ramentis æque albicantibus aquæ calidæ innatantibus, atque ex nubecula, ab oris afflatu superficiem aquæ frigidæ cooperiente, aliqualis dissolutio molecularum balsami salino-sulphurearum colligi poterat, suspicari porro cepi, annon ejusmodi particularum ab



aqua imbibitio multum possit promoveri, si aquæ coctio accederet: neque successum fefellisse, ex destillatione Balsami Peruviani cum aqua §. 19. recensenda, evidenter patebit. Cæterum cum saccharo Balsamum ad siccitatem usque subactum & aquæ, sive calidæ sive frigidæ inditum haud more oleorum per minima se diffundit, sed flocculorum ad instar in superficie aquæ supernatat.

§. XI. Menstrua salina quemadmodum vel acida, vel alcalia vel salsa existunt, ita ex acidis sp. Vitriol. & Nitri partim communem, partim specialem in Balsamo Peruviano edebant effectum. Neuter spiritus acidus sensibilibus primum in hoc agere videbatur, successive tamen uterque post aliquod tempus interjectum non solum colorem ejus immutabat, sed & odore ac sapore ipsum privabat, una cum notabili ejusdem condensatione. In specie vero balsamum nostrum in Spiritu Vitrioli partim in fundo hærebat, partim vitri agitatione facta illi innatabat, colorem lucidiorem majoremque coagulationem acquirens; in spiritu autem Nitri vitro vel leniter moto, omne superiora petebat, colorem flavum, Gummi Guttæ similem tractu temporis adsciscens, cum minori tamen condensatione, quod bullulæ aëreæ essent interspersæ, atque inspissatio major super ignem requireretur, ut pilulæ obscure rubicundæ exinde formari possent, quales obscuriores ex priori sine omni igne prompte fiebant. Et certe si balsami nostri guttæ instillatæ in aliquo liquore ad fundum demergi recusent, hoc maxime in Spiritu Nitri atque Aqua Forti contingit, cui tales constanter innatant superius magis explanatæ, inferius autem & intra liquorem satis convexæ. Ex alcalicis volatilibus spiritus C. C. colorem balsami fuscum in superficie lente in cinereo-flavescentem vertebat, suoque foetere illius fragrantiam tollebat, post sui evaporationem paulo spissius relinquens. Ex fixis autem lixivium cinerum clavellatorum prout in majori vel minori quantitate cum multo aut paucio balsamo commiscebatur magis minusve sensibilibus exerebat operationem. Paucis  
balsa-



balsami guttulis parum lixivii dicti affusum, post moram demum unius alteriusque diei fuscam ejus superficiem mutabat in cineream, atque vitro concusso Balsamum ipsum in fundo hactenus subsistens, elevari ac innatare incipiebat, discerptis simul particulis cinereis hinc inde fluctuantibus. Progressu etiam temporis omne balsamum ita coagulabatur, ut in pilulas cogi posset, in superficie tamen non æque splendentes, ac quæ cum acidis paratæ erant. Majori autem balsami quantitati plus lixivii additum aliqualem ebullitionem, imo hinc inde bullulas nonnullas majores excitabat, & coctione accedente Tincturam elegantissime rubicundam præbebat, cujus inferius §. 19. mentio fiet, quando destillatio balsami cum tali lixivio describetur.

§. XII. Ex menstruis falsis cum aqua, sale communi sufficienter saturata, sequentia capiebantur experimenta: gutta balsami ex alto demissa mox ad fundū aquæ falsæ secededat, quæ autem hujus superficie propius imponebatur gutta, pariter ac prior cum stylo elevata, innatabat, superius magis explanata, inferius autem convexa, nec utraque demergebatur, etiamsi vitrum agitaretur, sed in unam potius guttam majorem confluebat, cui afflatus oris circulum albicantem instar halonis conciliabat, subtiliorem tamen, quam in aqua dulci, neque tanta nubecula circumseptum, quæ majorem aquæ superficiem tegebat post aliquot dierum effluxum. In aquæ vero falsæ unciam unam scrupulus balsami infusus sine mora fundum petebat atq; igni expositus, ubi aqua ebulliret, non solum vapores copiosos emittebat, quos odor sʒavis de secessu subtiliorum balsami particularum testabatur, sed & sensibiles balsami bullulas ad superficiem aquæ, plus minus turbatæ & veluti lactescentis, propellebat: uno verbo, balsamum tantum non omne in aqua falsa coctionis medio in bullulas sive globulos magnitudinis diversæ striis nonnullis oblongis intergestis, dispersebatur, quarum pauciores innatabant; pleræque autem in fundo subsistebant, de splendore tamen suo multum remittentes. Equidem scrupulus hic cuiquam enasci



nasci posset,annon Indi in balsamo ex ramis aliisq; partibus arboris excoquendo,voti sui compotes redderentur,si ope aquæ marinæ talem coctionem adornarent. Verum ad insignem nobiliorū particularum balsami attendens jacturam, pariter ac multam ejus in colore,odore ac sapore alterationem, quam coctio omnino inferre solet,vix unquam persvaderi sibi patietur, præstantissimum balsamum Peruvianum,quale ad nos advehitur,& quale mihi quidem adhuc videre licuit,coctionis adjumento fuisse confectum. Ast misso dubio, aliud menstruum falsum enarrandum,quod plus virium in balsamum nostrum exerit,quam sal culinare in aqua solutum: etenim si à solo lixivio cinerum clavellatorum tincturam quandam ex eodem elici dictum est, & etiamnum dicetur, sal quoque digestivum i. e. sal ex acido Salis Armoniac: & cineribus clavellatis genitum in destillatione balsami cum istis Salibus idem præstare §.20. indigitabitur.

§. XIII. Inter menstrua sulphurea, nec sp. vini rectificatissimus, nec olea expressa & destillata negligebantur. Guttulæ balsami Peruviani quocunque modo in sp. Vini inditæ statim præcipites ad fundum ferebantur,neque ulla ratione ad innatandum huic oleisque disponi poterant, in fundo autem hærentes ea parte,qua vitrum contingebant, planiores videbantur,& vitro concusso in minores subdividebantur,haud difficulter nihilominus in unam denuo colligendæ. Quomodo vero sp. Vini, si coctio simul in vase clauso instituat, lactescere atque nonnullæ olei guttulæ elevari incipiant, balsami alia parte crassiore, alia fluidiore magisque cinerea reddita, ex §. 20. quo destillatio ejus cum sp. Vin. rectificatissimo traditur, est videre. Ex oleis expressis oleum Amygdalarum dulc. & Been. eo magis balsamo nostro examinando videbantur proportionata,quo minus extante aliquo odore imbuuntur: neutrum tamen cum balsamo nostro valebat subigi, neque quidquam ab alterutro etiam post digestionem fuisse solutum, ex utriusque olei pelluciditate atque colore pristino colligebatur; revera tamen subtiliores balsami moleculas connubium cum utroque oleo ini-



inivisse, tum ex manifesto balsami sapore, tum ex residuo magis inspissato aptoque, ex quo pilulæ fierent, certius postmodum cognoscebatur. Olea destillata quamvis cuncta fragrantiam Balsami obtundere, eorum nihilominus alia balsamum omne, alia parum ejus, alia denique nihil dissolvissse deprehendebantur. Olea destillata Menthæ & strobilorum Abietis post multam vitri agitationem omne absorbebant balsamum, promptissime autem oleum Anisi tantum sibi balsami associabat, quantum ponderabat ipsum. Oleum vero destillatum Terebinthinæ, tum limpidius, spiritus nomine vulgo veniens, tum magis flavum paucam balsami partem imbibebant; cum nec cœruleum Chamomillæ oleum, cum Petroleo ad manuactionem *Junkenii* (a) elaboratum, nec Petroleum ipsum, aliquid balsami absumpsisse viderentur, etiamsi in digestionem aliquandiu essent detenta, balsamumque ab utroque magis inspissatum cerneretur, itemque Petroleum cum balsamo commotum quodammodo primum lactesceret.

§. XIV. Quod menstrua mixta salino-sulphurea concernit, certe cum nemine illorum litigabimus, qui lac & mustum iisdem accensere forte recusarent. Interim à nobis etiam in Balsami Peruviani scrutinio sunt usurpata. Lac susque deque hic habere eo minus licuit, quia *Th. Bartholinus* (b) etiam in lacte tepido alia phœnomena ab Opobalsamo, alia à balsamo nostro nigro annotavit. Opobalsamum in nuce Indica ait in lacte mergi, sed singulis guttis in fundo residentibus totidem guttas supernatantes respondere, flavas, pellucas, nonnihil dilatatas, sine lactis coagulatione, Balsamum autem Peruvianum in lacte tepido fundum statim petere, ibique nigram guttam conglobatam ita permanere, ut enatare nequeat. Guttula itaque Balsami re tentata, tepidoque lacti instillata lapsu quidam præcipiti demergebatur, ac in fundo satis nigra conspiciebatur, neque cum stylo elevata ad natandum disponi valebat, nihilominus in superficie relinquebat punctum flavum sive subfuscum,

C

scum,

(a) *Chym. Experim. Sect. I. c. 5. p. 153.* (b) *Act. Hafniens. Vol. 1. obs. 1. p. 4.*



fcum, pellucidum planumque. Imo quoties nova gutta adde-  
batur, toties eidem præcipitata respondebat ejusmodi pun-  
ctum fuscidulum lacti supernatans, imo guttula balsami lactis su-  
perficie lentissime adaptata, innatabat, statim vero ac vitrum  
commoveretur, ad inferiora ruebat, puncto majori remanente;  
quæ puncta itidem multa vitri concussione in strias vertebantur,  
globulique inferiores citius & promptius dividebantur, quam ut  
in unum possent congregari, absque ulla vel lactis coagulatione,  
vel saporis communicatione. Hæc ultima tamen ex voto feli-  
cius in musto succedebat, in quo Balsamum & solitarie, & cum  
saccharo infusum tamque diu asservatum, donec musti fermenta-  
tio esset absoluta, insignia factæ dissolutionis vestigia ostendebat.  
Mustum siquidem tale, tum visum pelluciditate fulva, tum nares  
fragantia balsami delectans, tum linguam suavi dulcedine, gra-  
torem balsami saporem involvente, demulcens deprehensum,  
qui sapor gratus, nec cum acore nec cum alio sapore vitioso com-  
mutabatur, etiamsi mustum per unum alterumve annum asser-  
varetur.

§. XV. Reliquorum liquorum salino-sulphureorum alii  
plures, alii pauciores balsami nostri discerpebant particulas: nul-  
lus vero eorum omne balsamum instar quorundam oleorum de-  
stillatorum §. 13. recensitorum imbibebat, præter vitellum ovi,  
cum quo balsamum agitatum aptum demum evadebat in aqua  
cum præcipitatione sollenni lactea dissolvi. Lenius videlicet  
Spiritus Salis Ammoniaci anisat. Sal volat. oleos. aromat. & Li-  
quor C. C. succinat. balsamum aggrediebantur, successive non  
nisi colorem hujus fuscum in cinereo flavescens vertendo.  
Neque Spir. Nitri dulc. aliud agebat, quam quod balsami tan-  
tum superficie aliquam flavedinem cineream, reliquo autem  
nigredinem magis conciliaret. Sed major eorum videbatur in  
extrahendo efficacia, qui balsamo additi aut lactescebant, sicuti  
Spiritus Carminat. de tribus & Liquor Tartari, cum Oleo foetido  
tartar. & Sp. Vini super calcem vivam præparatus atque odore &  
sapore à spiritu carminativo de tribus vix discrepans, licet citius  
quam



quam hic lactesceret; aut flavescebant instar Sp. Vini tartaric. (cui nullo modo balsamum innatat, sed guttula ejus figuræ ovalis decidens vitro firmitus adhærescit) Sp. Sal. Ammon. vinosi, Sp. Bezoardi Buffii, & Vini Canariensis, cum quo ultimo balsami quasdam moleculas uniri à B. D. D. *Manitio* quondam didiceram, alii itidem facile cognoscent ex observatione, quam laudatus vir, dum viveret, Miscellaneis Academia Naturæ Curiosorum (c) inferi curavit. Imo huc pariter spectant, quæ adscititio sapore de solutis nonnullis balsami particulis sensibile ferebant testimonium, ut Tinctura Metallorum, & maxime Tinctura Tartari, quamvis pro saturatione & fere nigra è Balsamo nigro in officinis Pharmaceuticis Tinctura elicienda, conveniat hoc cum Sale Tartari probe terere atque in digestionem aliquandiu prius reponere, quam Sp. Vini rectificatiss. affundatur.

§. XVI. Misso tandem examine, in quo Balsamum Peruvianum menstrua omnis generis sustinuit, ad illud progrediendum, quod experimentis ignium variorum fuit tentatum. Et quia *Tb. Bartholinus* (d) balsamum ferro inunctum flammam non concepisse observavit, proptereaque crassiorum esse partium reputavit, illud ferro itidem, tum igne culinari, tum in furno fabri ferrarii candefacto instillavi, tali effectus diversitate, ut ibi in gyrum se contorquendo absque flamma in fumum abierit, sedimento globoso relicto, quod instar carbonis aliquandiu cande-  
bat, donec caput mortuum superesset exustum, hic autem flamma luculenta accensum in velocissimum turbinem, similiter efformantem globulos, abriperetur, cum terebinthina & Balsamum de Copayba citius accensa sine sedimento deflagrarent. Quo vero omnis particularum, è quibus balsamum nostrum compingitur, exacte innotesceret diversitas, id ipsum porro tam per se, quam cum aliis concretis destillavi, utrobiq; observata mox traditurus, ubi, quæ *A. Sala, le Mort. & Celeberrimus Hoffmannus* in destillatione ejusdem annotaverunt, exposuero. *Sala* (e) in retorta vitrea balsamum Peruvianum ex arena per gra-



dus destillans primum oleosam aquæ mixtam substantiam, hinc  
 albicantes guttulas obtinuit, cum flavescentes vero guttæ & fu-  
 mus siccus prodire inciperent, receptaculum mutavit atque re-  
 liquum intensiore ignis gradu, quoad potuit, evocavit, remanen-  
 te in retorta materia nigra, splendente & fragili: pro aquositate  
 autem ab oleo soluto felicius separanda recipiens in aquam misit  
 calidam. *le Mort* (f) vero ex balsamo dicto per destillationem  
 spiritum subacidum & oleum coagulans fere instar olei anisi ac-  
 quisivit, quod oleum crassius alibi (g) instar mellis esse asserit, ac  
 balsama inter solum Peruvianum excipit, (b) quod nullum ole-  
 um subtilissimum fundat. In disputatione denique de Balsamo  
 Peruviano sub præsidio *Excell. Hoffmanni Halæ A. 1703.* habita  
 (i) ex balsamo nigro cum arenæ partibus duabus destillato du-  
 plex eductum sistitur oleum, alterum subtilius ex flavo rubrum a-  
 quæ innatans, odoris non ingrati, paululum empyreumatici, al-  
 terum crassius fundum in aqua petens; quale duplex oleum ex  
 tempore quoque ad oculum posset ostendi, si balsami particula  
 ferventissimæ injiciatur aquæ, tunc namque subtilius instar cu-  
 ticulæ supernatare, crassius autem majoris molis in fundum de-  
 scendere.

§. XVII. Quandoquidem vero à tribus Celeberrimis istis  
 Chymicis non eadem destillationis ex Balsamo Peruviano com-  
 memorantur producta, ipse quoque idem Balsamum ejusmodi  
 operationibus varia ratione tanto lubentius subjeci, quanto avi-  
 dior eram, non modo corpusculorum, è quorum connubio bal-  
 samum resultat, varietatem, sed & quantum possibile, proporti-  
 onem experiri. Destillationem pro in igne primum aperto  
 per gradus suscipiens ex balsami ℥jj. in retortam vitream infusis  
 atq; tigillo impositis, in eodem receptaculo olei fluidi fusci 3vjj. &  
 inspissati, concretum veluti salinum subfuscum referentis 3jss col-  
 legi; in retorta capitis mortui loco terræ nigræ pansæ, seu in mul-  
 tas bullas splendentes elevatae atque intumefactæ, satis friabilis

3jjj.

(f) *Pharm. Medic. Phys. edit. ult. in 4t. c. 8. p. 3.* (g) *Chym. c. 10. p. 85.*

(b) *Chym. c. 16. p. 179.* (i) *p. 49.*



3jjj. restitantes. Quia oleum nihilominus fluidum posterius cum priori sic fuit commixtum, quo distinctius utrumque exciperem, destillationem partim igne arenæ, partim aperto repetere atque duo successive recipientia supponere induxi animum. Quæ ratione, quemadmodum ex balsami 3jj. in primo vase, cum olei flavi unciam dimidiam cum 3ß, tum olei inspissati albicantis 3jß; in altero autem olei fusci, odoris suavitate atque saporis acrimonia priori cedentis 3jjj. obtinui, atque ex retortâ terræ nigræ ponderosæ ac splendentis minime tamen tot bullas integras in superficie ostendentis 3jjj. exemi, ita oleum inspissatum albicans, postquam oleum omne exhalasset, quod superficiem illius humectaverat, magis magisque condensatum ac ita splendidum vidi, ut vitriolum veluti album repræsentaret, ad pulverisandum non ineptum, licet in cochleari super candelam more pingvedinis liquaretur, atque odore suo & sapore de balsamo testaretur. Cui liquato ubi filum etiam immisisssem atque hoc candelæ admovisssem, ad instar olei destillati ipsius balsami non minus prompte flammam concepit, atque in spiritu vini tartarificato dissolutum fuit: de Sale nihilo minus acido illud simul participare, nunc ex consistentia ejus spissa, ab acido fortassis inducta, conjicere, nunc ex odore manifeste acido, floribus benzoës, dum sublimantur analogo, cœrulei heliotropii coloris cum rubicundo immutatione, ejusq; cum alcalibus v.g. oleo Tartar. p. d. sp. Sal. Ammon. simplici & anisato, effervescentia evincere licuit. Sub principio quidem utriusque destillationis aliquid limpidi una; quasi aqueosi cernebatur, quod tamen postmodum penitus evanescebat; certior itaque ut fierem, an revera aliquid vel aquei secundū *A. Salam*, vel sp. acidi juxta *le Mort* nostro inesset balsamo, tertiam cum illo destillationem per se igne arenæ primum lentissimo, hinc fortiori, igne demum aperto visum fuit adornare. Accedit balsami tertia vice destillandi quantitatem in ipsa prius retorta ad pondus fuisse revocandam, quo constaret, num tantum, quod productis utriusque destillationis de integro pondere decessit, firmiori cum vitro adhæsioni, an potius remanentiæ in vasis, in



quibus balsamū transmissū fuit, si non ponderi falsato deberetur.

§. XVIII. Atq; sic, dum ex balsami Peruviani ℥j. in primo vasculo olei flavi, odoris suavissimi saporisq; pungentis ℥j. cum gr. V, inspissati vero albicantis, ceu cujusdā pingvedinis, quod mox cum fluido elevari atque in retortæ collo sub ramorum schemate conspici solet, ℥j. colligerem, annotare omnino licuit bullas nonnullas limpidas, quas tamen neutiquam aqueas haberi, sed aquam saltem mentiri, veras autē bullas aereas existere, prompte ex earundem evanescencia, quæ vitrum agitatū in sequebatur cognovi. Hinc quod in alterutrum vasculū aliquid limpidi primū stillaret, conjicere cœpi, annon hoc pro spiritu subacido deberet venditari, imprimis quia acidum odorem spiraret, nihilominus, ubi filum ipso intinctum ad candelam citissime ac sine minimo strepitu inflammaretur, certior satis redditus fui, nullum hic spiritum subacidum, sed merum subesse oleum, quod frigore concretum ℥jj cum gr. v. adæquabat, cum oleum alterum simul exceptum, & candidiore flavedine corruscans, ac fortiori quidem odore, non tamen æque grato, ut & sapore acutissimo pollens ℥jj cum ℥jj ponderaret. Ultimum denique vasculum olei fusci tantum non rubicundi aliquantum empyreumatici ℥jj, olei autem inspissati itidem fusci, ℥j. comprehendebat, igne aperto propulsa; ex retortæ autem tam colli parte nunc inferiori similis olei inspissati ℥j. nunc superiori florum, cum floribus Benzoës multum convenientium gr. jj. quam fundo capitis mortui splendentis nigri ac porosi ℥jj cum ℥j. extrahebantur. Ast quantitate hujus capitis mortui accedente fere ad pondus gemini capitis mortui ab ℥jj. balsami superstitis, scupulum dimidium tum capitis mortui omnium primi, tum ultimi radiis solaribus cum vitro caustico exponebam ac utrobique multum adhuc olei empyreumatici exhalare cernebam, ita ut illius dimidium sive gr. v. hujus autem non nisi gr. jjj. restitarent, adeoque singula capita mortua priora æqualem olei foetidi cum Terra copiam, i. e. ℥jss reconderent, ultimum autem olei empyreumatici ℥jss cum gr. IIX. atque terræ ℥jj. cum gr. jj. complecteretur. Neque difficile erit, ut ul-



tima destillatione, in qua octo tantummodo grana integri ponderis deficiunt, sine dubio vitris agglutinata, talem particularum balsami constitutivarum ostendere portionem, qua, dum ℥j. balsami non multo plus terræ fixioris, quam partem undecimam continet, olei fluidi laudabilis quinque undecimæ, olei empyreumatici tres undecimæ, atque olei inspissati duæ undecimæ circiter habeantur.

§. XIX. Sed à triplici destillatione Balsami nostri per se adornata, pergendum ad eas, quæ additamento aquæ, lixivii, musti, sp. vini, salis ammoniaci & oleorū destillatorum à me fuerunt institutæ. Etenim quia Balsami Peruviani albicantia quædam ramenta in aqua calida secedere §. 10. dictum fuit, Balsami sæpius laudati ℥jj. cum ∇ simpl. Mjß ex Balneo Mariæ haud frustra destillavi, utpote, si non olei cujusdam ætherei portionem, saltem aquæ satis fragrantis Mensuram fere dimidiam proliciens simulque in superficie, aquæ residuæ, odore ac sapore multum destillatum superantis, nisi quod leviter empyreumatica esset atque cum tempore particulas quasdam fuscas ad fundum demitteret, aliquot guttas oleosas perspicuens; à quarum nonnullis spicula quasi salina splendida & pellucida, in aquam protenderentur. Revera autem ab aqua, accedente coctione, vel quartam balsami partem dissolutam fuisse, reliquum balsamum, non nisi ℥jß ponderans, evidentissime comprobabat. Verum si simplex aqua tantum valeat in moleculis balsami salino-sulphureis imbibendis; quid non eadem præstabit sale quodam alcalico acutata? & fatendum omnino, Balsami Peruvian. & Ciner. Clavell. aa ℥j. cum aquæ ℥jj. lentissimo arenæ igne destillata, præbuisse tertiam partem aquæ fragrantis & plus minus sapidæ, licet odoris suavitas temporis successu imminui videretur; prout reliqua Aqua filtrata Tincturam, quam §. XI. indigitavi, constituebat obscura rubedine saturatam, transparentem tamen, ac odorem non modo plus minus aromaticum emittentem, sed & lingvæ talem saporem imprimentem, qui de temperata acrimonia tum balsami, tum salis alcalici, egregie testaretur. Quod de balsamo



mo restabat coloris cinerei, post exsiccationem aptum pariter reddebatur, è quo pilulæ conglobarentur, cum iis convenientes, quæ superius §. XI. itidem memoratæ fuerunt. Longe suavior autem ille erat spiritus ardens, quem Mustum cum Balsamo Peruano, tam saccharo addito, quam omisso, fermentatum atque §. 14. delineatum, in destillatione primum fundebat, limpiditatem atque acrimoniam temperatam successu temporis cum flavedine atque majori acrimonia, & spiritus & balsami, commutans, ne quicquam autem olei simul elevans. Cujus guttulæ aliquot tunc demum sublimabantur, quando destillatio ad siccitatem continuaretur, veluti qua spiritus, cum phlegmate & paucio oleo commixtus, empyrevmaticus prodibat, cum tempore, non minus flavescens.

§. XX. E diverso à Balsami nigri ʒjβ cum sp. Vini rectific. ʒijj. destillatis, sp. Vini ʒij acquirebantur, omnis odoris ac saporis balsami expertes, quamvis residua portio lactea paucas olei guttulas innatantes ostenderet, ipsumque balsamum, partim tenacius, partim fluidius magisque cinereum existeret. Alia tamen est ratio, si tinctura saturatissima, cum sp. Vini rectificatiss. atque sale Tartari ex Balsamo Peruviano elicitæ, destillationi exponatur, à tali siquidem, imprimis ubi spiritus rosarum fuerit adhibitus, spiritum balsamicum fragrantissimum destillandum inter suppetitari, *celeberrimus Hoffmannus* (k) uberius recenset : De cætero multis nunc modis, salia volatilia oleosa parari, neminem fugit; ope autem balsami nostri singulare quoque sal volatile oleosum obtineri, modo balsami istius ʒjj. Sal. ammoniac. ʒβ. Cin. Clavell. ʒjβ cum sp. Vini vulgar. ʒv. destillentur, hic celare nolui. Equidem spiritus primæ ʒijj. cum multo sale volatili receptaculum petentes, sapore magis quam odore præsentiam detegabant corpusculorum balsami, in aqua itidem simplici ab ejus instillatione lactescente cognoscendorum; nihilominus, ubi reliquæ ʒjj. ad siccitatem usque essent prolicitæ, phlegma elevatum non solum sensibilius balsami odorem spirabat, atque in superficie

(k) in Annotat. ad Poter. Pharmacop. Spagyr. p. 440. & disp. citat. p. 19.



ficie aliquot guttulas olei limpidi & albi gestabat, verum spiritui quoque priori pro sale volatili dissolvendo associatum aliqualem conciliabat odorem, guttulis olei mox ad fundum præcipitatis. Quale sal volatile oleosum quemadmodum successive flavescit; ita aquæ ʒijj. capite mortuo, ex Sale digestivo atque reliquiis balsami commixto, affusæ elegantem tincturam rubicundam & pellucidam, sapore potius, quam odore balsami admiscelam manifestam, extraxerunt, relicto balsamo quoad odorem & saporem multum immutato. Tandem etiam si olei Anisi ʒjj. Balsami quoque ʒjj. sibi combinaverint, olei autem ætherei Terebinthinæ ʒjj. non nisi parum ad flavescientiam aliqualem ex balsami ʒii. imbiberint, ex destillatione tamen patuit, strictiorem Balsamo cum oleo Terebinth. quam oleo Anisi intercedere, quod in destillatione omne oleum Anisi exacte à Balsamo separaretur absque ullo hujus vestigio, nec balsami etiam producta, i. e. oleum duplex fluidum & inspissatum de odore amplius saporeve olei Anisi participarent, cum è contra Balsamum decantato prius oleo Terebinthinæ, in destillatione ista olea non sincera, sed foetore Terebinthinæ foedula largiretur.

§. XXI. Jam si resinæ, ostendente B. Ettmullero (1) nihil aliud sunt, quam ab acido concreta, & ab arboribus suppetitata, ex iis, quæ de Balsami Peruviani Analyfi, pariter spagyrica atque Natalibus, hætenus fuerunt tradita, facile licebit concludere: Balsamum nigrum esse singularem resinam liquidam, ex oleo fluidiori & spissiori cum incuneatis particulis acidis & terreis compositam, obscure rubicundam sive fulvam, fragrantissimam, amaro acrem, in India occidentali sive America & Insulis quibusdam Asiaticis ex arboribus magnitudine Mali Medicæ post harum incisionem exstillantem multumque usum exferentem. Licet enim nec spiritus acidus,

D

nec



nec subacidus, ex balsamo nostro ita extorqueri potuerit, ut ab omni olei consortio, ille instar spiritus v. g. mellis separat-  
tus existeret, à fluido tamen & volatilibus successuque  
temporis in auras abeuntibus, nisi vitra probe obturentur, Bal-  
sami oleis, æque ac spissioribus & fixioribus, aliquid acidi re-  
condi, heliotropii coloris cœrulei alteratio in rubicundum,  
ab oleis utrisque inducta, ad oculum demonstravit. Singu-  
laris autem resinæ liquidæ titulo eo magis Balsamum nostrum  
effferri meretur, quo minus aliarum resinarum more cum  
quibusvis oleis promiscue uniri maximamve partem in Sp.  
Vini tartarifat. ac Tinctura Tartari valet dissolvi: ne-  
que de ulla resina etiamnum constat, quæ in destillatione  
tale simul oleum coagulatum fundat, quod cum tempore con-  
cretum potius salinum, quam oleosum referat, prout de Bal-  
samo §. 17. annotavi. Unde totus hæreo, an arti concedatur,  
simplicia quæcunque commiscendo & præparando tale exa-  
cte producere balsamum, quod cum singulari odoris suavita-  
te aliisque qualitatibus enarrata Balsami Peruviani attributa  
peculiaria possideat, quale nihilominus in nonnullorum scri-  
ptis indigitatur, de quibus statim plura commemorabuntur,  
ubi prius pauca quædam de notis bonitatis Balsami laudati  
adjecero.

§. XXII. Nimirum bonitas & præstantia Balsami nostri  
nigri non tam ex colore præcise nigricante juxta *Pomet*, neque  
ex illo exacte purpureo secundum *Schbræderum* (m) sed ex u-  
troque potius quasi commixto, i. e. ad mentem *Dale* (n) ex  
ruffo ad nigrum vergente, cum consistentia mellea, quam ma-  
xime vero ex specifica fragrantia, qua ex *Schbræderi* sententia  
non tam optimæ styraci calamitæ cedat, quam hanc antecel-  
lat, venit æstimanda. Sicuti autem genuino Balsamo Perua-  
no

(m) *Pharm. Medic. Chym. Lib. 4. Class. 2. N. 375.* (n) *Pharmaco-  
log. p. 504.*



no duplex spurium solet opponi, quorum alterum aliorum concretorum admiscela adulteratum, alterum vero arte habeatur factum: ita notæ characteristica, utrumque tale spurium, & à se & à sincero distingventes nunc à me deberent tradi, modo certius innotesceret, quibusnam rebus Balsamum verum adulterari a depravatoribus soleat, & ex quibus concretis simile balsamum artis æmulatione produceretur. Præsertim quoniam frustra *Pomet* ab eo cavere jubet, cui oleum amygdal. dulcium more solenni sit admixtum, cum Balsamum Peruvianum omnibus ac singulis olei amygdalarum dulcium moleculis haud uniri, à paucioribus vero successive inspissari ex §. 13. jam abunde constet. Neque Styrax liquid. vi-  
lioris pretii cum laudato Balsamo ita jungi potest, ut huic per minima unita persistat, nec fragrantiam ejus sua aliquali graveolentia obtundat. Quod in Gallia autem ejusmodi Balsamum arte confectum fuerit, quod omnes genuini Balsami Peruviani notas gessisset, multisque Pharmacopœis & Aromatariis, etiam prudentissimis imposuisset, id *Mosi Cbarras*(o) tunc elargirer, si descriptionem, quam sibi notam esse jactat, sincere communicare haud fuisset veritus. Sincerior quidem Compatriota suo *Pomet* videtur, dum illius sequentem divulgat compositionem in *Acta etiam Eruditorum*(p) transcriptam. ℞. Terebinth. opt. Resin. Pini aa ℥j. ol. Been, Oliban. Ladan. Elem. aa ʒvj. Flor. Lavendul. Nuc. Mosch. aa ʒiv. Spic. Nard. Lign. Aloes aa ʒjj. Myrrh. Aloës. Macis Benzoës Storac. aa ʒj. Zedoar. Galang. min. Caryophill. Cinamom. Castor. Mastich. aa ʒvj. Terebinth. Resin. Pini, Gumm. Elemi & oleo Been super carbones liquatis reliquorum Ingredientium addantur pulveres, hinc omnis massa retortæ immitatur tertiam ejus partem relinquendo vacuum, juncturisque

D 2

opti-

(o) *Pharmacop. Reg. Galenic, & Chym. Tom. 1. c. 20. p. 15.* (p) *Ann. 1695.*



optime lutatis destilletur ex arena, ubi aqua primum limpi-  
da, dein oleum coloris aurei, balsamum demum ex rubedine  
nigricans prodit. Cui tamen Ingredientium dicta omni cu-  
ra tum miscere, tum mistorum destillationem suscipere haud  
grave fuerit, nã is loco balsami fragrantis merum, quod con-  
jeceram, oleum crassum foetidum atque empyreumaticum,  
mecum reportabit.

## CAPUT II.

### Balsami Peruviani usum Medicum pariter atq; Chirurgicum sistens.

#### §. I.

**E** Volutis itaque omnibus, quæ in naturæ Balsami Peru-  
viani scrutinio majoris momenti nobis visa sunt, por-  
ro progressuri in virtutes, quas in Medicina & Chi-  
rurgia Balsamum edere valet, inquiremus, idque hoc magis,  
quod nemo non occasione oblata ad Balsamum laudatum  
confugiat. Cæterum quicquid Balsamum nostrum aut in  
partes solidas, aut in humores, aut in ipsos denique spiritus  
animales operatur, id omne ex Modernorum mente potius  
particulis ipsius Salino-Sulphureis plus minus acribus & glu-  
tinosis, amaris itidem atque fragrantibus quam calori & sic-  
citati ex sententia Veterum debetur. Certe dum Balsamum  
Peruvianum laxiores & fluidiores solidarum fibrillas acrimo-  
nia sua blande laceffendo ad contractionem urget; insignis  
remedii tonici, roborantis ac nervini exequitur munus: pro-  
ut in vulneribus & ulceribus consolidandis, modo glutinosi-  
tate acrimoniam sanguinis & puris falsam obtundendo, mō-  
do acrimonia materiam viscidiorē incidendo simulque hu-  
morū affluxum & effluxum promovendo, præstantissimum  
vel digestivum, vel mundificativum, vel sarcoticum existit.

Nec



Nec aliter quam attenuando & stimulando Balsamum nostrum in sudore, urina, muco, mensibus & calculis expellendis sæpe se potens præbet; quatenus autem exhalat miassinata fragrantia, spiritus animalibus grata, hosce recreat & excitat: imo fibrillas membranarum nerveas vehementius irritatas & vellicatas suavius demulcendo impetuosiores spirituum ad illas motum instar exquisiti paregorici & anodynii sufflammat. Quid mirum proin, si Balsamum Peruvianum in tot morborum affectibus feliciter usurpetur?

§. II. Chirurghi quidem in externo Balsami usu acquiescunt, Medici autem non minus interne, quam externe idem cum successu adhibent, licet in modo illud propinandi haud omnes videantur conspirare. At hodie tamen vix invenientur, qui vestigiis *G. a Turre* (q) & *Wormii* (r) vel *Smetii* (s) insistant, quorum illi tres quatuorve Balsami guttas horis matutinis lingere sudent, hic autem in os ipsum ita infundere jubet, ne linguam attingat nec sapor resinofus diutius in ore hæsitans nauseam ægrotis moveat. Plerique si balsamum non cum *Ranchino* (t) in vehiculo aqueo aut oleoso, vel hostiolum quatuor aut quinque guttis ejus humectatam, offerant; saltem cum *Riverio* (u) *Sydenham* (x) & *Riedlino* (y) illud in ovo sorbili, vino Malvatico aut Hippocratico, vel in Syrupo aliquo, aut saccharo, in quod vel instillatum, aut cum quo in boli vel pillularum formam subactum, amant exhibere. Quin delicatiorum faucibus saccharum aliquot guttis Balsami imprægnatum & postmodum hostiola obvolutum cum cultello vel spatula facile ita indi potest, ut libere absque præcedanea sensatione lingvæ molesta per oesophagum ad ven-

D 3

tricu-

(q) *Institut. Plant.* l. 2. c. 132. p. 541. (r) *Musæo* c. 34. p. 225. (s) *Misc.* l. 9. c. 18. p. 501. (t) *de morb. Senum* P. 2. S. l. p. 51. (u) *Prax.* l. 9. c. 1 p. 329 & s. 7. p. 334. (z) *Operum* p. 781. (y) *linear. Medic.* A. 1. p. 267.



ticulum deveniat. Quando vero ex balsami nostri præparatis Tinctura potius officinalis conveniat, prudentiores Medicos latebit neutiquam.

§. III. Enumeraturum autem mihi speciales affectus, in quibus internus Balsami nigri usus ab autoribus haud frustra commendatur, primam mentionem cum Atoniæ, tum ulcerum partium internarum liceat facere. Quemadmodum enim omnium viscerum langviores etiam inveteratos, à Balsamo tali egregie corrigi *Piso* (a) testatur; ita in specie pro insigni quoque Ventriculi roborante à *Riverio* (b) & O. *Wormio* non immerito habetur, atque Stomachici nomine à *Celeberimo Wedelio* (c) effertur. Et licet non omnis Dysenteria ab intestinorum ulcere dependeat, vel cum eo combinetur, in tali nihilominus etiam, in qua ulceris præsentia ex purulentis excretis innotuit, suavissimum Balsamum Indicum præ aliis sensibile afferre levamen, exemplo Nobilissimæ Matronæ Religiosæ, assumptione ejus cum vitello ovi feliciter à gravissima ejusmodi dysenteria restitutæ, confirmat illustris *Schæckius* (d). In Mesenterii abscessu Balsamum nostrum, ceu apprime utile *T. Mayerne* (e) non minus ac in Phthiseos medela præstantiam ejus *Hartmannus* (e) & *Riverius* (f) laudant. In phthisico certe consummato, pristinae sanitati reddendo, Balsamum Peruvianum cum Vino Canariensi exhibitum multum valuisse *Manitius* (g) annotat: Renibus alias foedo abscessu laborantibus inter præstantiora auxilia præcipuam operam ab Opobalsamo conferri *Job. Veslingius* (h) perhibet

(a) *Histor. natur. & Med. l. 4. c. 5. p. 119.* (b) *Prax. l. 9. c. 1. p. 329.*

(c) *Pharm. in art. form. redact. l. 2. §. 1. c. 6. §. 5. p. 86.* (d) *M.*

*A. N. C. Decat. 1. A. 3. O. 77.* (e) *Prax. l. 3. c. 14. p. 345.* (e) *Prax.*

*Chymiatr. c. 79. p. 308* (f) *Prax. l. 7. c. 7. p. 318.* (g) *Misc. A-*

*cad. Nat. Curios. Dec. 3. A. 2. O. 129.* (h) *in comment. super Al-*

*pin de Plant Egypt. c. 14. p. 70.*



habet: summam tamen Balsami nostri efficaciam in notabili renis dextri abscessu, quo puer decennis decumbebat, & in quo materia purulenta copiose partim cum urina, partim per ulcus dorsi apertum excernabatur & evacuebatur, mihi licuit deprehendere. Ne multa addam, quæ de Balsami Peruviani in Scabie & Luis venereæ ulcusculis curandis *Fr. Rancbinus* (i) *J. B. Sylvaticus* (k) *Wedelius* (l) & *Waldschmidt* (m) prædicant.

§. IV. Sequantur dispositionum præternaturalium, quæ à crassitie humorum propullutantes, tanto promptius ab Interno Balsami Indici usu in melius mutantur, quanto certiori attenuandi virtute hoc pollet, tales sunt v.g. Anorexia, Hepatis & Lienis obstructio, Asthma, Tinnitus aurium, Mulierum sterilitas & mensium defectus. Abolitum quippe appetitum læsamque coctionem à Balsamo nostro restitui *P. Zacchias* (n) & *F. Ranchinus* (o) attestantur. In Jecoris & lienis obstructione removenda multum auxilii à laudato Balsamo *C. Clusius* (p) & *J. Fragosus* (q) pollicentur; prout in cunctorum viscerum obstructionibus referendis *Hernandez* (r) cum quo *J. Fragosus* quoque & *G. Turre* (s) præstantiam ejus in Respiratione difficili celebrant. Aurium tinnitum & difficultatem auditus à Balsamo nostro curari apud *F. Ranchinum* (t) datur legere. Et quia sterilitas mulierum æque ac mensium obstructio à viscidioribus provenit humoribus, pro sterili utero expurgando atque statò fluxu menstruo revocando

Balsa-

(i) *de Morb. Senum* P. I. S. I. p. 518. (k) *Method. Medend.* L. I. c. 16. §. 10. p. 81. (l) *Pharm. in Art. form. red.* l. 2. f. 1. c. 7. §. 4. p. 85. (m) *Prax. cas.* 84. p. 244. (n) *de affection. Hypochond.* L. II. c. 15. (o) *de Morb. Senum* P. II. f. 1. p. 517. (p) *in Monard. de simpl. Medic.* p. 326. (q) *de Aromat. & simpl. Medic. utriusq. Ind. c.* II. p. 95. (r) *Histor. Plantar. Aromat.* l. 3. c. 11. p. 51. (s) *Instit. Plantar.* l. 2. c. 132. (t) *l. a. p.* 518.



Balsami Peruviani vires à *Smetio* (u) & *J. Hoffmanno* (x) haud immerito decantantur.

§. V. Sicuti autem Balsamum nostrum mensibus cingendis acrimonia sua non solummodo resolvente, sed & fibras nerveas ad contractionem hincque expulsionem moliendam irritante inservit, ita porro illud utraque etiam ratione in sudore & urina movendis, muco in tussi expectorando atque calculis exterminandis insigne occurrit. Balsamum videlicet tale medicamentis sudoriferis. *J. le Mort.* (y) & diureticis *A. Fumanelli* (z) accensere haud verentur, dum pro muco in tussi humida eliminando ab *Herm. Nic. Grimm.* (a) ipsum praescribitur, quamvis singularem ejus efficaciam in pertinaciori phthisicorum tussi compescenda *Sydenham* (b) à traumatica simul virtute videatur aestimare. In calculis expellendis, si Opobalsamum desit, veluti quo *Zacutus Lusitanus* (c) Virum sexagenarium notabili calculorum copia, urinam per octodecim dies supprimente, perfectè & liberaverit & praeservaverit, Balsamum Peruvianum *Riberius* (d) jubet usurpare. Cum quo itidem *Venette* (e) facit; atque *Listerus* (f) medicamenta calculo maxime accommodata ad certas classes reducens Balsamum Peruvianum in harum tertià recenset. *Charleton* (g) hoc remediis prophylacticis à lithiasi adjungit, si drachmæ unius aut alterius pondere in feri lactis caprini destillati poculo singulis auroris per mensem hauriatur.

§. VI. Hinc videndum ulterius, an non Balsamum Peruvianum potens deprehendatur, quod excretiones etiam præternaturales sisteret? Atque omnino earum nonnullis impe-

(u) l.c. (x) in *Clav. Pharm. Schræd.* l. 4. S. 2. c. 2. n. 385. p. 578.

(y) *Pharm. Med.* l. 1. c. 8. p. 39. edit. in 4. (z) de *Morb. in viis urinariis* c. 12. p. 564. (a) *Compend. Med. Chym.* l. 2. c. 1. p. 109.

(b) *oper.* p. 781. (c) *observ.* 58. l. 2. *Prax. admir.* (d) *Prax.* l.

14. c. 1. p. 418. (e) *Traité des Pierres* c. 12. art. 2. p. 242. (f) de

*calcul. human* p. 44. (g) de *Lithiasi* c. 3. p. 204.



impediendis eo magis existit proportionatum, quo magis tam peccantem acrimoniam salsam inviscare, quam spirituum etiā impetum coërcere valet. Per experientiam singularem ejus certumque effectum cum in quibuscunque alvi fluxibus, tum in gonorrhœa, & maxime in albo mulierum fluore *Riedlinus* (b) cognovit. Agmen denique reliquorum affectuum morbosorum, in quibus internus Balsami Peruviani usus salutaris extollitur, ii claudant, qui à spirituum animalium motu aut deficiente, aut excedente inordinato proficiscuntur, atque paralytis, motus convulsivi, dolores & Febres nuncupantur. Paralyticos enim stupidos & quovis modo resolutos à Balsamo Peruviano curari, *Listerus* (i) observat. Motuum autem convulsivorum cum alii universales sint, totum corpus concutientes v. g. Epilepsia universalis; alii particulares, hoc illudve solum membrum exagitant, e. g. Vomitus, Palpitatio cordis &c. utriusque generis Balsamum nigrum commode opitulatur. In Epilepsia nempe *Henric. ab Heer* (k) non minori cum successu Balsamum Peruvianum propinavit ac *Riverius* (l) in vomitu, & *Theod. de Mayerne* (m) in Palpitatione cordis, idem exhibuere. Ex doloribus, quos Balsamum nostrum multum sedat, Ventriculi, Intestinorum ac Vesicæ dolores indigitasse nunc sufficiat: in Ventriculi doloribus *Monardes* (n) & *Autor histor. Plantar.* (o) in colicis & iliacis doloribus *Hernandez* (p) multum salutis ab eodem pollicentur. *Riedlinus* (q) quoque Medicum magni novit nominis, cui Balsami nostri usus internus in Colica sit solennis, testaturque *Velschius* (r) hystericam colicam aliis incassum adhibitis Balsami ope penitus fuisse curatam. Repetito demum ejus usu interno cum vino, horrorem febrilem abigi *Jonstonus* (s)

E

imo

(b) *lin. medic. A. I. p. 267.* (i) *de lue venena p. 19.* (k) *obs. 17.* (l) *Prax. l. 9. c. 7.* (m) *Prax. l. 2. c. 1. p. 129.* (n) *de simpl. Ind. Occid. l. 1. c. 10.* (o) *Tom. 2 l. 18 p. 1770.* (p) *loc. alleg.* (q) *l. c.* (r) *obs. Med. Phys. Hecatoest. 2. obs. 69.*



imo paroxysmos ipsos ab illo assumpto tolli, *G. à Turre (t)* tradunt.

§. VII. Quod si vero Balsamum Peruvianum non modo in memoratis tot affectibus interne tantum valet, sed & spiritus reficiendo corpus nostrum ex *Smetii* ac *Wormii* observatione vegetum conservat, *J. Ranchinus* haud prorsus vane fidem habet iis, qui plures senes illius usu velut renovatos & juventuti quasi restitutos diutissime vixisse affirmarunt. Sic *J. Baubino (u)* Heros fuit notus, qui ex hujus usu frequenti ætatis vigorem juvenilem absque ulla corporis molestia repræsentaverit.

§. VIII. Antequam vero pedem promoturus affectus recensere nunc instituiam, quos externo Balsami Peruviani usu egregie levare Medici quotidie experiuntur, haud quidquam præter rem erit, si pauca de modo illud externe adhibendi atque de Medicamentis externis id ipsum continentibus, præmisero; si quidem illud nonnunquam solum, interdum cum aliis commixtum varia sub forma admoveatur: Solum applicandum aut cum linteo imponitur, aut cum pluma vel digitis parti affectæ illinitur, & quidem plus minus calide, ut particulæ ejus subtiliores eo melius penetrent atq; desideratum effectum edant. Interdum in carbones ignitos Balsamum instillatur, quo in vapores resolutum ad externam feratur partem. Si ex re autem Medico videatur, Balsamum Peruvianum cum aliis concretis prius jungi, quam externe illud applicetur, variæ exinde Ungventorum, Linimentorum, Emplastrorum, Injectionum &c. resultabunt formulæ. Balsami Antapoplectici, si basin non constituat Balsamum nigrum, saltem ejus haud ultimum esse Ingrediens ex *Sennerto (x)* *Mose Charraz (y)* *Pharmacopœa Bateana (z)* &

(s) *Dendrograph. l. 6. c. 4. p. 304.* (t) *Histor. Plantar. l. 2. c. 132. p. 541.*

(u) *Histor. Plant. Tom. I. l. 2. c. 33. p. 296.* (x) *Prax. L. I. P. 2. c. 32.*

p. 136. (y) *Pharmacop. Galenic. l. 2. c. 3. p. 390.* (z) p. 17.



& *Dispensatorio Brandenburgico* (a) uberius patefcit. Ingre-  
ditur quoque *Balsamum Locatelli* atque *Paralyticum*, quo-  
rum hoc in *Pharmacopœa Bateana* (b) illud simul in *Dispensa-  
torio Brandenburgico* (c) describitur. A celeberrimo itidem  
*Hoffmanno* recipitur ipsum, tam in Unguentum antispasmo-  
dicum, quam in Linimentum cordiale, utrumque in *Notis ad  
Poterium* (d) communicatum. Ex Gumm. *Tacahamac*: &  
*Caranni*. part. j. & *Balsam. Peruvian.* P. J. Emplastrum ad car-  
dialgiam, *B. Etmüllerus* (e) conficere docet. Ad injectio-  
nes v. g. in vesicam adornandas addit illud *Fr. de le Boe Syl-  
vius* (f).

§. IX. Imo vero quæcunque propemodum corporis  
pars roboranda venit, applicatio *Balsami Peruviani* externa,  
teste *J. L. Bertuldo* (g) neutiquam destituetur successu. Spe-  
ciatim ab eodem inuncto capiti cerebrum corroborari at-  
que à spasmis & paralyfi præservari, *Autor Histor. Plantar. &  
Rajus* (h) affirmant. Pro pulmonum infarctu resolvendo  
pectus Balsamo perfricari jubet *Piso*: (i) Sicut in ventriculi in-  
flatione cum combinata anhelitus difficultate illud regioni  
gastricæ admoveri *Raymund. Fortis* (k) præcipit. In malo  
hypochondriaco atque liene tumente inunctionem hypo-  
chondrii sinistri dicto Balsamo instituendam celebrant mo-  
do allegatus *R. Fortis* (l) *T. de Mayerne* (m) atque *J. Fuller.* (n)  
A Balsamo regioni pubis calide applicato urinam expelli  
*Smetius* notat, quo menses suppressi restituantur, sterilitas  
arceatur, secundinæ & foetus mortui expellantur, atque

E 2

par-

(a) p. 24. (b) p. 18. (c) p. 26. (d) lib. 2. c. 26. p. 160. & c. 68. p. 227.  
(e) Oper. Tom. 2. p. 1806. (f) Method. Medend. l. 1. c. 16. §. 10.  
p. 81. (g) in Schol. ad Dispensat. J. Placotomi de Medicament.  
extern. p. 185. (h) Histor. Plant. T. 2. c. 23. (i) Histor. natu-  
ral. & Medic. Ind. l. 4. c. 5. (k) Consult. Medic. Tom. 2. Cent. 2.  
conf. 49. p. 230. (l) Tom. 2. Cent. 2. Consil. 89. p. 291. (m) Prax. l.  
3. c. 12. p. 336. (n) Pharmac. Collect.



partus acceleretur, Balsamum Pessi forma mulieribus adaptandum, *J. Fragosus* (o) *Job. Bauhinus* (p) *B. Sylvaticus* (q) & *Hernandez* dictitant. Sed scopo abortum præcavendi umbilicus potius cum eodem ex consilio *J. Cratonis* (r) debet perliniri; cum ad sterilitatem virorum emendandam locus inunctionis à *B. Sylvatico* (r) testiculi nominentur ac perinaeum.

§. X. Insuper in febribus diuturnis ut horrores avertantur, spinam dorsali aliquoties Balsamo Indico demulcendam esse, *G. a Turre* & *J. Jonstonus* monent. Palpebrarum convulsionibus Balsamum Peruvianum non minus ac paralyti omni succurrere *J. Michaelis* (t) & *Timæus* à *Guldenlee* (u) observant. Mulierem ex sinistri lateris paralyti acerbo dolore per totam spinam dorsalem in genere, & digitis pedis sinistri exagitata, *Thonnerus* (x) externo Balsami usu satis cito ab omni liberavit molestia. Vixque dolores ulli, sive interni, sive externi, à causa frigida uti loquuntur, affligunt, quos non à Balsami nostri anodynæ illinitione leniri, *Hernandez*, *Wormius*, *Ranchinus* &c. clamitent. Ad dolorem cervicis mitigandum *Lentilius* (y) suadet, ut pars affecta exterius mane & ad noctem subinde sæpius, Balsamo Peruviano hunc in finem egregio, tepide inungatur. In Colica ex refrigeratione oborta *Schænsfelderus* (z) præsentaneum in ejus linimento expertus fuit remedium: non secus ac *Rivierius* (a) in doloribus nephriticis, ubi regio lumbaris ipso fuerit delibuta. In articulorum & juncturarum doloribus uti Balsami externe admoti miram utilitatem *Monardes* & *Fra-*

(o) *de Aromat. & simpl. Med. Ind. C. II. p. 95.* (p) *Hist. Plant. T. I. l. 3. c. 33.* (q) *Consil. Cent. 4. obs. 14. p. 477.* (r) *Lib. I. consil. 26. p. 163.* (s) *Cent. 4. cons. 39. p. 525.* (t) *Prax. Clinic. c. 22. p. 89.* (u) *Meth. Med. l. 1. cas. 19. p. 287.* (x) *l. 4. obs. 12. p. 204.* (y) *Miscellaneor. Part. 2. p. 410.* (z) *Histor. & Curat. Med. l. 1. hist. 32. p. 105.* (a) *Prax. l. 14. c. 1. p. 418.*



*Fragosus* commendant ; ita *Thonnerus* (b) in Mercatore ab Ischiadico dolore multum excruciato , variis aliis externis ne quicquam conferentibus, notabile mox solamen à nostro vidit Balsamo & *Ledelius* (c) illustris meminit personæ, Balsamum Peruvianum toties cum fructu inungentis, quoties à podagra vexaretur. Gravidarum nothos partus dolores ex tempore cessare, si Balsamum idem regioni ossis sacri calide affricetur, quemlibet Experientia mecum docebit certissime. Balsamum denique Peruvianum ratione fragrantia in oris foetore à *Wedelio* (d) & tanquam eximium cosmeticum ad lentigenes abigendas, & cutim nitidam ac mollem servandam, rugasque si non tollendas, saltem præcavendas à *Smetio*, *Cesio* (e) *Cardano* (f) aliisque haud frustra prædicatur. Mihi quoque foeminæ haud paucæ balsamo illi adsvectæ notæ fuerunt, quas in decrepita ætate fucò ferme coloratas quispiam sibi potuisset persuadere, nisi earundem ætatem decens vanitatum mundanarum contemptus, religioque ac lassitudo, ipsas omnino excusasset.

§. XI. Quod tandem ad Chirurgos, hi ad Balsamum Peruvianum, veluti ad sacram anchoram, in vulneribus & ulceribus sanandis, suggillationibus & tumoribus variis resolvendis, itemque in arcenda putredine, solent confugere; adeo ut erroris juxta eos vix arguendus videatur, qui Balsamum toties laudatum, universale traumaticum sive vulnerarium Balsamum prædicaret, siquidem vulneribus quibuscunque & recentibus & antiquis cum carnosarum tum nervosarum partium ulceribus, pariter ex voto medeatur, sive simpliciter usurpetur, sive cum aliis conjunctum, prout *Wedelio* (g) in ulcerum therapia cum oleo tartari foetido illud miscere, aliis autem in concinnandis Balsamis vulnerariis

E 3

ba-

(b) *Observ. l. 4. o. 12. p. 203.* (c) *Misc. Natur. Curios. Dec. 2. A. 6. obs. 28.* (d) *Exercit. Patholog. Therapeutic. p. 144.* (e) *de Mineral. l. 3. c. 12. sect. 3.* (f) *de subtilitat. l. 8. p. 251.*



basin à nostro petere placet. Virtutem ejus oppido singularem recentia partium musculosarum vulnera cito consolidandi apud *Pisonem* experti *Brasiliiani* loqvuntur ; eandem etiam præter alios *Sennertus* (b) *Job. Vigier* (i) *Euvonymus*, *J. Baubinus*, *Cardanus*, *Riedlinus* & *Blancardus* (k) ita extollunt, ut eorum nonnulli curam talium vulnerum ope nostri Balsami intra 24. horas sine ulla suppuratione & sine cicatrice absolvi potuisse expressis verbis testentur. Neque tamen recentibus solummodo, sed & antiquis, uti antea intimatum, vulneribus, æque ac ulceribus inveteratis & sordidis, Balsamum Peruanum ex observatione *Hernandez* & *Smetii* confert optime. In narium ulceribus à lue venerea excitatis raro Balsamum hoc fallere *Musitanus* (l) & *Doleus* (m) tradunt, quorum postremus (n) in cornea ulcerosa ipsum laudat. In ulcerum auris medela Balsami Peruviani instillati usus certissimus à *Valsalva* asseritur, quod in *Actis Eruditorum* (o) legere licet. Præterea in papillis exulceratis, observante *Blancardo* (p) egregie prodest.

§. XII. Quo gratius autem Balsamum Indicum nerveis partibus existit, hasque demulcendo dolores lenit, ac spasmos vel præsentis corrigit, vel metuendos antevertit, eo excellentius præbet remedium tam in quarumcunque membranarum vulneribus, quam in tendinum, juncturarum, nervorum, unguium puncturis, incisionibus atque contusionibus. In capite, pericranio, meningibus cerebri, cerebro ipso ac medulla spinali vulneratis à *Baubino* (q) *Musitano* (r)

- (g) *Exercit. Patholog. Therapeut.* p. 112. (h) *Prax.* l. 5. P. 4. c. 9. (i) *en grand. Chirurgien des Playes* c. 4. p. 290. & *des Ulcer.* c. 3. p. 10. (k) *Institut. Chirurg.* Part. 5. c. 2. p. 563. (l) *Trutin. Chir.* Tr. 4. l. 3. c. 12. p. 93. (m) *Encyclop. Chirur.* l. I. c. 16. p. 385. (n) *ibid.* l. 1. c. 12. p. 106. (o) *Anni 1705.* p. 465. (p) *Instit. Chirurg.* Part. 3. c. 11 p. 552. (q) *Histor. Plantar.* Tom. I. l. 3. c. 33.



(r) *Doleo* (s) *Munnicks* (t) & *Junckenio* (u) magni æstimatur, atque in vulneribus *Trachææ*, ventriculi, intestinorum, vesicæ ab *Overkamp*. (x) *Munnicks* (y) *Musitano* (z) usurpatur. Quemadmodum non minus quid in nervorum, tendinum, aliarumque partium nervearum puncturis, incisionibus & contusionibus Balsamum nigrum valeat, *Piso*, *Blancardus* (a) *Verbrug* (b) *Muraltus* (c) & *Musitanus* (d) fusius exponunt. *Thonnerus* (e) in se ipso postquam ex contusione dextræ manus insignem molestiam ultra mensem persensisset, aliis frustra adhibitis, à solius Balsami Peruviani trina inunctione perfectum observavit levamen. Quid quod mihi pariter subjecta quædam nota sint quæ, ætatis ac roboris juvenilis, ex scalarum delapsu in brachiis atque pedibus misere dilacerata, Balsami nostri usu cito & sine inflammatione curata fuerunt. Quin imo in vulneribus sclopetorum explosione inflictis tanquam cum insigni contusione combinatis, singularem Balsami Indici vim *Overkamp* (f) & *le Clerc* (g) admirantur.

§. XIII. Quod reliquum virtuti nervinæ atque pægoricæ sine dubio debebitur, quando Balsamum Peruvianum ad fistulas fluentes exsiccandas à *B. Sylvatico* (b) *Doleo* (i) & *Parmanno* (k) atque ad Synoviam sistendam ab *Hildano*, (l) *Parmanno* (m) item in subsidium vocatur. Et quamvis in con-

- (r) *Trut. Chir. Phys. Tr. 3. c. 34. p. 141.* (s) *Encyclop. Chir. l. 1. c. 3. p. 53. c. 4. p. 66.* (t) *Chirurg. l. 2. c. 5. p. 20.* (u) *Compend. Chir. c. 1. p. 96. Sect. 2.* (x) *Chirurg. l. 3. c. 12. p. 704. & c. 14. p. 723.* (y) *l. 2. c. 2.* (z) *Tom. III. c. 67. p. 387.* (a) *Institut Chirurg. Part. 5. c. 4. p. 568.* (b) *in Exam. Chirurg. P. 3. c. 12. p. 206.* (c) *Script. Chirurg. hist. 90. p. 329.* (d) *Tr. 3. c. 72. p. 416 & Tr. I. c. 14. p. 88.* (e) *l. 4. obs. 42. p. 204.* (f) *Chirurg. l. 3. c. 6. p. 627* (g) *vollkommene Chirurg. p. 207.* (h) *Consil. cent. 3. obs. 12.* (i) *Encyclop. Chir. Sect. 2. c. 13. p. 326.* (k) *Chirurgischer Vorber-Krank. Part. 3. c. 9. p. 503.* (l) *de Melicerid. c. 8. p. 485.* (m) *ibid. Part. 3. c. 15. p. 576.*



contusionibus curandis, atque suggillationibus dissipandis, *J. Baubino*, *Musitano* (n) & *le Clerc* (o) præeuntibus, vis resolvendi Balsami nostri concurrat, ea tamen multo magis eminet in tumoribus tunicatis sive folliculo inclusis v. g. *Atheronia*te, *Steatoma*te, *Meliceride* &c. utpote ad quæ feliciter tollenda vel solam Balsami Peruviani affriktionem aliquandiu continuatam cum *Paulo Barbette* (p) itidem ad oculorum suffusionem discutiendam tanquam appropriatum collyrium cum *Zechio*, *Blancardus* (q) laudat. Demum Balsamum nostrum propter efficaciam detergendi in diversis cutis vitiis nempe in *Impetigine* ac *Herpete* à *Musitano* (r) & *Blancardo* (s) commendatur. Quando etiam in condiendis cadaveribus præ aliis balsamicis utiliter adhiberi à *Riedlino* (t) *G. Turre* (u) asseritur, egregiam ejus in putredine arcenda vim hoc ipso demonstrari quilibet haud difficulter agnoscet.

§. XIV. Sufficiant, quæ commemoravimus de Balsami Peruviani nigri natura & usu. Est, fatemur, materia, quam elegimus, amplissima, nec dubitamus, quin & alii in Balsamo dicto quædam memoratu digna forte animadverterint. Verum uti adquiescere in iis, quæ consignavimus, nobis placuit, libertatem opinandi haud cuiquam invidendo; ita & nobis æquos pollicemur, sicubi forte ab aliis dissenserimus, lectores. Faxit Numen æternum, ut donis in usus medicos à benignitate ipsius concessis recte atque in pace utamur, fruamur!

(n) *Trut. Chirurg. T. I. c. 14. p. 80.* (o) *Vollkommener Chirurg. c. 3. p. 143.* (p) *Chirurg. Part. 2. c. 9.* (q) *Institut. Chirurg. Part. 2. c. 8. p. 347.* (r) *Tom. I. c. 12. p. 78. ibid. c. 24. p. 136.* (s) *Institut. Chirurg. P. III. c. 16. p. 453.* (t) *Lin. Medic. A. I. p. 267.* (u) *Hist. Plant. L. II. c. 132. p. 541.*

#### CORRIGENDA.

P. 5. lin. 24. lege *Caburejeica*. p. II. l. 24. leg. *ceratiæ*. p. 14. l. 30. leg. *foetore*. p. 18. l. 24. leg. *solenne*. p. 19. l. 4 leg. *Bezoardici*. p. 27. l. 26. leg. *caryophyll*. p. 28. l. 21. leg. *flaccidiores*.